


IOANNIS CIAMPINI
ROMANI IN UTRAQUE
SIGNATURA
REFERENDARII
EXPLICATIO...

Giovanni Giustino Ciampini





1094.13



AI

IOANNIS
CIAMPINI
ROMANI

IN UTRAQ; SIGNATURA REFERENDARII

EXPLICATIO
DVORUM
SARCOPHAGORVM

*Sacrum Baptismatis ritum
Indicantium.*



ROMÆ, Typis Bernabò.)(MDCXCVII.

SUPERIORUM PERMISSU'.

IOANNIS
CIAMPINI
ROMANI

IN UTROQUE SIGNATURA REFERENDARI

EXPLICATIO

D V O R U M

SARCOPTHAGORVM

Quorum Epistolarum titulus
Indicantur.



ROMÆ. Typis Barthelemy MDCXCVI

Superioribus permisso

EMINENTISS. PRINCIPI
IOSEPHO SAENS
DE AGVIRRE

Benedictinae Congregationis Hispaniarum Magistro
 Generali, Regii, ac supremi fidei Senatus Con-
 sultori, in Salmaticensi Academia Docto-
 ri, Theologo, ac post multas alias
 Cathedras Primario Sacrorum
 Bibliorum Interpreti,

N V N C
S. R. E. PRESBYTERO CARDINALI
TITULI S. BALBINAE
REGNI SICILIAE PROTECTORI.

IOANNES CIAMPINVS
FELICITATEM.



RATVLARI nunquam,
 destitit animus meus E. V
 secumque lætari, quod
 omnium largitor bono-
 rum Altissimus inter in-
 numera myriadam Viro-
 rum millia, decreverit E. V. inter Purpura-
 tos S. R. E. Patres adscribere, ut orthodoxam

fidem , qua erroneis opinionum tenebris ,
quà heterodoxis morum ritibus , & sapientia ,
& pietate , ne dùm cardo inconcussus susti-
neret , sed lumen clarissimum illustraret .
Hanc veritatem ita superabundè multiplices
impressi testantur Codices , ac publicè exan-
tlati labores , ut frustra conarer complecti
scribendo , ne dicam exaltando recensere .
Confirmat adversa valetudo in hujusmodi
præclaris operibus contracta : quapropter
quantus fuerit E. V. zelus ex exemplo Pro-
themartyris Stephani pro certo deducitur ,
qui lapidabatur , & videbat Cœlos apertos ,
& IESVM ad dexteram DEI stantem , &
ideo lapidum ictus non sentiebat corpori ,
non considerabat vulnera ; sed oculis Chri-
sto affixus illi adhærebat . Defatigatæ nimis
cesserunt quidem laboribus vires ; non cessit
tamen animus ad sublimia incessantè inten-
tus , pressa enim caro fuit , coronata autem
anima : Quin divinæ bonitatis dono ad pristi-
nam valetudinem , cùm redactum sit corpus ,
Sapientum , imò totius Urbis , & Orbis gau-
dio , ac plausu , jam E. V. ab incæpto olim
cursu quiescere haud desinit . Num quid
ego inter addictissimos E. V. servos inter
commu-

communis lætitiæ signa torpens obmutescam? Absit. Super omnes gratulor E. V. de prospero Romam reditu, & quod præstantius est, de confirmata à morbo valetudine; Ancepsque hæreo, an magis mihi gratuler. Superabundo gaudio, nec valeo inter intimas animi angustias illud continere; unde præcorum more, hujus tenuis studiorum meorum partus oblatione erumpit, seseque exterius demonstrat. Dissertatio est de duobus marmoreis Sarcophagis Anaglyptæ opere elaboratis, qui Neapoli in Palatio Excellentissimi Principis Caramanici conservantur, quos fortè in ea inclyta Civitate nuper sanitatis recuperandæ gratia immorans E. V. observaverit, atque ut Ecclesiasticarum rerum peritissima, nec non veterum monumentorum intellexerit, noveritque eorum arcana. Quia tamen non omnibus datum est, genuinam harum Imaginum repræsentationem introspicere, ac penetrare, ut nonnulli de se ipsis mihi dolenter confessi sunt, ideò conatus sum, hoc tantulo opere illa explicare. Exigebat autem festivus de E. V. reditu, & incolumitate animus hoc amplitudini Vestræ prius indicare, & dicare. Exigebat materix


teriae conditio, quae à piissimo Monachorum
S. Benedicti zelo originem traxit. Exige-
bat ulteriùs humanitas singularis, qua inter
ceteros me semper excepit, ac muneribus
cumulavit. Itaque si non aliena, saltem mea
adimpleo vota, & partes. Quamobrem, ut
observantiae, debitiqùe mei pignus hoc mi-
nimè dedignètur accipere, rogo, ac Eminen-
tiam Vestram ad commune Ecclesiae suae San-
ctae, nec non Reipublicae literariae bonum
fospitem Altissimus diù fervet, humillimè
exoro.

Impri-

Imprimatur

Si videbitur Reverendis Patri
Sac. Palatii Apost. Mag.

Sperellus Episc. Interamnen. Vicesg.



Imprimatur

Fr. Paulinus Bernardinius Ord.
Præd. Sac. Apost. Pal. Mag.

EXPOSI-

2ae. Palati Apoll. Mag.

uniquely

Fr. Paulinus Bernardinus Ord.
Pred. Sac. Apoll. Pal. Mag.



EXPOSITIO

D V O R U M

SARCOPHAGORVM

Q V I

ANAGLYPTÆ LABORE EXCISI

*Afferuantur Neapoli in Palatio Excellen-
tissimi Principis Caramanici in Su-
burbio, quod dicunt Cbiaja.*



PRIMUM Christianæ Religionis my-
sterium, seu primum Sacramentum,
quod ad salutem Januam pandit, sa-
crum est Baptismum, quod expressis
pronunciavit verbis, ipsius salutis Au-
ctor, JESUS CHRISTUS, dùm
dixit Nicodemo: Amen amen dico tibi,
nisi quis renatus fuerit ex aqua, & Spiritu Sancto non po-
test introire in Regnum DEI. Joan. cap. 3. n. 5. Medium
enim est, quo geniti mundo, regenerantur gratiæ, nàm
per ablutionem corporis diluitur anima, & per ejusdem
immersionem à submersione in ignem æternum liberatur.
Jucè prima communis naufragii nuncupatur Tabula, cujus
A præsi-

præsidio tanquam Arca Noe ab illuvie peccatorum, & sempiterno interitu homines subtrahuntur. Hoc humani generis ipse Redemptor nobis palam fecit, dum in Jordane flumine, à Joanne Baptista baptizari voluit. Sic narrat sacer Evangelista Marcus, cap. 1. n. 9. *In diebus illis venit JESUS à Nazaret Galilee, & baptizatus est à Joanne in Jordane.* Passim hoc mirabile Sacramentum, tam à priscis, quam à recentioribus Fidelibus picturâ, atque sculpturâ expressum proponitur, ut innuimus in Tab. LXX.S. Joannis in fonte Ravennæ in prima parte cap. 25. nostri operis vet. monim. ac in aliis tabulis, quas in secunda parte eorundem nostrorum operum Deo dante exhibebimus. In hisce tabulis visitur Christus immersus in aquis, nec non Joannes aquam super caput ejus effundens. Hinc apud quosdam oritur dubium, an per immersionem, seu per asperisionem, aut utramque fieri debeat. Quod antiquitus iste sacer ritus per immersionem celebraretur, adsunt testimonia variarum Iconum, variorumque Scriptorum. Præter relatas tabulas, duas alias affero, alteram per immersionem, & asperisionem sacrum ritum exprimentem, alteram tantummodo per asperisionem. Venerandę hujus antiquę memorię exemplar, nobis Neapoli, jam à nonnullis transmisit annis Illustrissimus, & Reverendissimus Dominus Andreas ab Aquino Episcopus olim Tricaricensis, cui ob humanitatem hanc, me devinctum esse fateor; scripsit mihi hæc monimenta marmore extare insculpta in Palatio Principis Caramanici Assinis sui, duosque Sarcophagos repræsentare, quos repertos fuisse, asseruit apud maritimam oram, vulgò Chiaja, Neapolis suburbium, in Villa ejusdem Principis. Cum igitur in ambobus hisce Sarcophagis Viri prolixâ barbâ expressi sint, non abs re conjectari potest, ipsos aut Longobardos, aut Græcos denotare. At cum in illa reperti sint regione, me minimè falli autumo, si dixerò repræsentare Longo-

3

Longobardos, qui ad Christianam fidem à Theodelinda, quæ decus, & ornamentum Bavariz Principum extitit, sic eam ad Annum 591. n. 41. Ecclesiasticæ historiæ parens, Cardinalis Baronius nominat, conversi fuere.

Antequam meam hanc conjecturam, rationibus fulciam; operæ pretium poscit, nonnullas proponere, difficultates, quæ obijci possunt, ut hisce solutis, unusquisque facilius deinde suam valeat promere sententiam.

Prima, quæ adduci potest difficultas est, quòd Theodelinda jam fuisset Catholica, quando Agilulfum Virum suum, ut infra dicturi sumus, ad Christianam amplectendam Religionem adduxit; Ergo non potest stare, simul cum Viro in pelvi, ut expressa cernitur in Sacrophago, quia Baptismus ritu debito collatus reiterandus minimè est.

Secunda. Quòd omnes Longobardi erant Ariani, ergo baptizati, itaque vir, & mulier in pelvi expressi, Longobardi minimè sunt.

Tertia. Utrum Longobardi, Neapoli commorati fuerint.

Ut autem his motis difficultatibus satisfiat, clariùsque veritas elucescat ab alto summendus est sermo, quem minimè ingratum fore, puto. Sic differentem referam Joannem Adlzreitter, qui licet Neotericus sit Scriptor, tamen in propriæ Nationis gestis, aliis edoctior putandus est. Hic in sua historia Bavarica parte 1. lib. 6. n. 10. de Theodelinda sic narrat: *Garribaldus ob eam victoriam Longobardis addictior, affinitatem junxit cum Rege Authari. Habebat præter Evini conjugem filiam alteram Theodelindam, Principem Virginem, in quam Cælum omnia corporis animique decora videbatur contulisse. Autharis à Longobardis Rex salutatus, spe pacis à Francis obtinenda Clodovindam Sigeberti Mediomatricum Regis filiam ambixerat,*

4
Et à Childeberto Virginis Germano, ejus potiunda promissum acceperat: verum ut vacillant saepe futuri matrimonii sponsiones, Clodofinda Reccaredo Gotthorum Regi, qui Bada Regina defuncta Hispania Regnum obtinebat, in manus convenit, eò maxime, quòd Reccaredus nuper Hermenigildi fratris exemplo, deserti Leowigildi patris Ariana perfidia, ex Leandri Episcopi Hispanensis institutione, Christiana sacra suscepisset, Authari non dum vana Deorum religione expedito. Ad hoc consilii non parùm momenti attulit Gotthica potentia, quæ longa annorum prosperitate roborata effecit, ut is sponsus placeret magis, qui sperabatur fore utilior. Autharis repulsam passus, multaque de violatis Franci promissis conquestus, sua vota ad Regis Garibaldi affinitatem convertit, & quam ad nuptias expetebat Theodelindam, non agrè impetravit. Ea re per Legatos confecta Autharim visenda Sponse juvenilis ardor incessit, ne alienis potiùs oculis, quàm suis, quæ de sponse forma, præclarisque virtutibus acceperat, usurpasse videretur. Ergo per speciem Regia Legationis, sene quodam è familiaribus fidissimo, paucisque aliis, qui aliquam pompam facerent, comitantibus, ipse alienum habitum mentitus se Verona in Bojariam contulit. Ut fuerunt admissi ad Garibaldi colloquium, senex, qui primas fidei Legationis partes agebat, Regis sui nomine, quæ se in mandatis agebat accepisset, peroravit. Autharis in scena personatus, addidit ad ea, quæ senex dixerat, se à Rege Authari, quæ pars altera causæque sui adventus, & Legationis esset, jussu, cum bona Garibaldi venia, Theodelindam salutare, ut inspecta coram ejus forma, Sponso cum fide referret, quæ oculis accepisset. Ea civilitas Garibaldi placuit. Licebit utique tibi (inquit) os habitumque Sponsa visere, & Authari referre. Ergo adducitur Theodelinda, ea morum, & vultus elegantia, ut Autharis tacitè Virginem admiratus, cuicunque fortuna, & dignitati parem judicaret. Tùm conversus ad Garibaldum: satisfactum, qui-

quidem est Regis, Domini mei desiderio; sed ignosce obsecro
mea confidentia, si alterum quoque beneficium Regis mei
verbis à te rogitò, ut dicar probe functus mea Legatione.
Et illud quidem est, à te impetrem eam gratiam, qua Theodelindam jubeas, quippe qua Regni, nostrumque omnium
propediem imperium aditura est, sui in Regem amoris, &
propensis in gentem nostram affectus tesseram hospitalem,
videlicet pateram, in Autharis salutem mihi benignè praeli-
bare. Et hoc per me licet, inquit Caribaldus: Tu vero filia
pecculum tempera, & hospitibus propina more patrio. Fecit
illa, quod erat jussa à parente, & pralibatum craterem,
seni, potiori legationis mimo porrexit, tum deinde Autha-
ri. Is cum Virgini pateram redderet, manus ipsius digito
præstis nemine advertente, & crescente fidentia palmam ex-
plicatam duxit per frontem, caterumque faciem erubescen-
tis, nec obscurè hospitis libertati irascentis. Qua de re cum
apud nutricem indignabunda querelas deponeret, diceretque
petulantem hospitis audaciam, ad sponsi injuriam pertinere,
qua certè non deberet dissimulari, ne credi aliquando posset
Theodelindam fama, pudicitiaque hæcenus illibata, os,
frontemque delibatam, sua culpa, ad sponsum attulisse;
nutrix acerbè queritantem solata monuit, à quarimonis in-
prasens sibi temperaret, sibi haberet potiùs persuasum, ne-
minem præter Regem Autharim id ausum esse, brevi certò
comperturam, sponsum ipsissimum esse, qui sibi id licentia
sumpsisset, quam nullus alius, nisi capitis periculo tentasset.
Et si à morum majestate, & totius oris, corporisque com-
positione verè regia liceret ratiocinari urbanitatem longè ex-
cellentissimam flavam casariam vultus amanitatem plenam
dignitatis, Regem prodere: quare ne dubitaret sponsum in-
cognita licet specie, adfuisse. Pacata his dictis Theodelinda
dolorem præstis, quem cum Autharis ex rubore, & contra-
cto ad iram vultu notasset, magnoperè fuit recreatus; quod
non nesciret, frontem verecundam, animum joci licentioris
impa-

impatientem, horrorem contactus alieni, non modò bonos esse custodes, sed etiam iudices intaminata pudicitia. Cum Garibaldo valefecisset, nobili Bojorum comitatu iter est ingressus. Italia finibus imminens, se honorariis Stipatoribus hoc signo prodidit: Equo, quo vehebatur assurgens, toto nisu securiculam manuariam arbori, ad virum ostensionem impexit, cum dicto, sic solet ferire Rex Autharis. Quibus verbis, Boiis comitibus omnis est abstersa dubitatio, bellum istum Legatum, esse ipsum Longobardorum Regem. Contingere hæc anno Christi DLXXXIX. cum pestis iniquitaria, altera vice recrudescens, innumeram hominum multitudinem, ipsumque Romanum Pontificem Pelagium, cujus precibus se stare Urbs arbitrabatur, sustulit 8. Id. Februar. ut habet Sigonius, anno D XC. Eodem Sigonio teste, Autharis abjecta gentilitate cum suis lapsus est in Arian errores, & feriis Paschalibus Longobardorum liberos iussit veteri quidem Ecclesie ritu, sed in fide Ariana expiari. De quibus postremò infrà multa lubiiciam. Successivè idem Auctor suam prosequitur narrationem n. 13.

Etenim Longobardi, accepto de Regis sui nece peracerbunt nuntio, coactis properè Ticini Procerum comitiis, Legatos miserunt in Galliam pacem petituros, deque Rege creando deliberarunt. Placuit in commune, ut Theodelinda omne Regis eligendi suffragium deferretur, eà lege, ut quemcumque illa sibi maritum optaret, idem Regno, simul & ejus connubio potiretur. Illa audito virorum sapientum judicio, Agilulfum Taurinatum Ducem legit, virum fortem, & dignum imperio. Pompa nuptiali Laumellum oppidum duxit. Eò vocatum Agilulfum, cum ad familiare epulum admississet, iussit adferri poculum vino temperatum: quod eum Agilulfo pralibasset, quod erat reliquum, obtulit ebibendum. Is cum accepto cratere, Regina dexteram honoris causa basiaret. Regina verecundo suffusa rubore: Id verò nunc (inquit) agitur Agilulfe, non ut suaviter manum,

num, sed nisi per te fiat, os Regina, Maritus, Rexque
 futurus osculeris; mox erecta ad osculum de nuptiis, si eas
 ipse quidem probaret, deque adeundo Regni fastigio, suam
 ipsi mentem aperuit. Secuta sunt privata conjugii ceremo-
 nia incunte Novembri, gratulante Longobardorum, qui
 tum pauci aderant, Procerum corona, & salutante Regem
 Agilulphum. Sequenti deinde Majo, in publico Principum
 cœtu Agilulfus donatus est Mediolani Regni insignibus, in
 quibus corona aurea ferreo annulo, Theodolinda jussu, in-
 terius circumducta: quam ex eo tempore in usum fuisse me-
 morant, quoties peracta fuit Italia Regum inauguratio,
 corona ferrea nomine retento. Et paulò post sub num. 14.
 Agilulfus sacris undis ablatus Petri nomen accepit: an ve-
 rò Theodelinda domi paterna Religionem conbiberit, an me-
 liori institutione in Italia, quàm in Norico sit usa, in am-
 biguo est, verò tamen similius est è patria attulisse bonam
 indolem, & initia pietatis, & ejus absolutionem hausisse
 in Italia. Sed illud est majus omni admiratione, quòd cum
 id avi virorum sapientissimorum copia non deesset, Deus uno
 eodemque saculo, tres potentissimas totius Europa nationes,
 nomini Christiano quamlibet insensissimas ad mansuetudi-
 nem Christi adjunxerit per totidem feminas; Francos in
 Gallia per Crotildem Burgundam, Gothos in Hispania per
 Ingundem Francam; Longobardos in Italia, per Theode-
 lindam Bavaram, quibus gens Boica accessit per Francam
 Reginotrudem. Agilulfus ex Uxoris suasu, & ductus vi-
 ta superioris pœnitudo, Sacras opes, & Ecclesias bellis
 vehementer afflictas cœpis instaurare, novisque cumulare
 possessionibus, Antistites, quos temporum acerbitas valde
 deprefferat, pristinis honoribus reddere, Gregorius Pontifex,
 verè Magnus, actis Theodelinda per litteras gratiis, id egit,
 ut Regi Agilulfo auctor esset pacis cum Romanis, cœteraque
 Italia, quam Longobardi totam non dum subegerant, ine-
 unda: cum datis ad Italia Episcopos mandatis, eos jussit
 Longo-

Longobardorum filios nuper in hæresi Ariana perperam ablutos, fidei Catholica conciliare. Agilulfus nihil habuit antiquius, quàm ut pacem Italia redderet: quam ad rem Agnelum Tridenti Episcopum misit in Franciam, qui captivos, ex agro Tridentino nuper obductos, redimeret: Evinum Tridentinorum Ducem ei dedit comitem, cum mandatis, ut pacem agi captam daret consecram. Episcopus benignè acceptus, complures mortales in libertatem asseruit, Branechilde Regina, Cbildeberti Regis Matre, quæ suo ere multos vinculis exemit, adjuvante. Evinus ad certum annorum numerum inducias impetravit, quæ renovata sæpius arma Francorum continuerunt, ne in Longobardas stringerentur!

Perpendenda sunt istius Auctoris narrata, qui asserere minimè audet, ubinam Theodelinda Christianam suscepit fidem, in Norico ne, vel in Italia. Concludit postea bonam indolem, & pietatis initium è Norico attulisse, in Italia verò Christianam amplexatam fuisse Religionem. Audiamus modo Paulum Warnefridum Diaconum Aquilensem propriæ Nationis facta describentem, qui in fine Octavi sæculi claruit. Is lib. 4. cap. 5. sic fatur: *His diebus (scilicet anno 590.) sapientissimus, & beatissimus Papa Gregorius Romanæ Urbis, postquam alia multa ad utilitatem Sanctæ Ecclesiæ scripserat, etiam libros quatuor de Vita Sanctorum composuit, quem Codicem Dialogum, id est duorum locutionem, quia eum colloquens cum suo Diacono Petro ediderat appellavit. Hos igitur libros præfatus Papa Theodelinda Regina direxit, quam sciebat utique, & Christi fidei deditam, & in bonis actibus esse præcipuam. Ac cap. 6. prosequitur: Per hanc quoque Reginam multum utilitatis Dei Ecclesiæ consecuta est. Nam pæne omnes Ecclesiarum substantias Longobardi, dum adhuc gentilitatis errore tenerentur, invaserunt; sed hujus salubri supplicatione Rex permotus, & Catholicam fidem tenuit, & multas*

9

multas possessiones Ecclesie Christi largitus est, atque Episcopos, qui in depreffione, & abiectiōe erant, ad dignitatis solidam honorem reduxit. Ex hac itidem narratione, etiam in ambiguo manet, quonam tempore ipsa Theodelinda Christianam susceperit fidem, Propterea hujus etiam Auctoris sunt perpendenda narrata: Is dixit, Theodelindam Christianæ fidei fuisse deditam, id est propensam, ac non sacro fonte dilutam, & si divinari fas est, jam in Christianis dogmatibus instructam, sive catechizatam, nondum tamen baptizatam; quia Autharis primus ejus maritus Catholicam aversabatur Religionem; quare ad ejusdem Theodelindæ bonam fovendam intentionem, illiusque captandum animum, S. Gregorius Dialogorum codicem, à se compositum, direxit. Quòd initio anni 591. nondum Theodelinda baptizata fuerit, ex ipsius Gregorii epistola 17. lib. 1. Indiæ. 9. ad universos Episcopos Italiæ scripta deduco, in qua conqueritur, quòd nefandissimus Autharis (scilicet supra citatus Rex, ac ipsius Theodelindæ Vir) in Paschali solennitate Longobardorum filios, in fide Catholica baptizari prohibuisset, pro qua culpa cum divina Majestas, celeri mulctavit morte, nec aliam solennitatem Paschalem aspexit. Autharis decessit mense Septembris Anno 590. ut placet Sigonio, ex quo colligo, Theodelindam adhuc non fuisse Christi fidelem, quoniam si Christianam Religionem jam amplexata fuisset, utique ad illam de hisce baptizatis scripsisset, sicuti de aliis rebus postmodum scripsit. Mortuo enim Authare Theodelinda ejus uxor propositum, quod ipso vivente jam mente conceperat, nempe de amplectenda religione, facilius fovere potuit, Monachorum conversatione, ut ex alia epistola 42. lib. 7. Indiæ. 2. ejusdem Gregorii ad ipsam Theodelindam colligo, in qua Probi Abbatis meminit; cujus nam Monasterii Probus iste Abbas fuerit, ex alia deducitur epistola 22.

lib 9. Indict. 4. nempe Monasterii S. Andreæ, & Lucie. His positis, me puto, multa in lucem emississe, quibus firmo Theodelindam anno 591. sacrum suscepisse baptismum, ut clarius infra apparebit. Ad secundam itaque transeamus difficultatem.

Pro majori meæ conjecturæ firmitate, quod Vir in pelvi expressus, Agilulfus sit, numismatis adduco exemplar, quod refert Angelus Breventanus in sua Longobardorum Regum Gentiliaca arbore, ubi sub num. 4. ejusdem Agilulfi adhibet ex nummis, sive nummismatibus depromptam imaginem, quæ barbatum Virum demonstrat, multamque uniformitatem cum Viro in Sarcophago expresso habet. Insuper in eadem figura notandum, in capitis summitate, more Christianorum Imperatorum Crucem adesse, ex qua deduco, illum primum Regem Christianum, Longobardorum Regum fuisse, cum illum sequentes eadem cruce appareant insigniti, præcedentes verò illa careant. Nummi, sive nummismatis exemplar sequens est.



Quod Longobardi omnes Arianæ essent, in hoc solvendo dubio, immorandum minimè est, cum jam Eminentissimus Purpuratorum decus Baronius, ad annum 573. illud annuerit demonstrans, partim Christianos, partim verò Gentiles, Idolorumque fuisse cultores, in quorum extitisse numero Agilulfum, secundum Theodelindæ

delindæ maritum, autumo. Quapropter ab hac difficultate tertiam exagitemus, nempe: Utrum Longobardi Neapoli commorati fuerint.

Pro affirmativa adduco sententia, Longobardos anno 571. Beneventanam occupasse Regionem, illamque usque ad annum 971. detinuisse, ut dignissimus Præful Vigiliensis Episcopus Pompejus Sarnellus in suis memoriis Chronologicis Ducum, & Principum Beneventanorum ostendit. Hoc medio tempore, nempe anno 615. iidem Neapoli degebant, eamque invadere tentarunt, ut ex laudato Baronio ad ann: 604. infero, & ad dictum ann: 615 n. 5. Ilego, Eleutherium Exarchum ab Imperatore Neapolim missum fuisse ad compescendam rebellionem, quam Joannes Confinus istius Civitatis, & Provinciæ Præfectus, cæso Joanne Exarco, molitus erat, qui paulò post ab eodem Eleutherio etiam occisus fuit, ut laudatus Paulus Diaconus lib. 4. cap. 35. testatur. Verò simile propterea est Agilulfum Confini Consanguineum fuisse; propterea, tam ratione sanguinis, & Nationis, quam etiam Vicinitatis, amicum unitumque eidem fuisse, & dum Confinus Neapolis habenas regebat, ibidem Agilulfum obiisse, ac in Chiajæ ejusdem Civitatis suburbio fuisse tumularum.

His demonstratis, satis me probasse autumo in pelvi expressos Theodelindam, ac Agilulfum Virum suum, repræsentare. Superest modò, ut pro majori Lectoris intelligentiâ non nullas alias explanem difficultates, quæ ex ejusdem tabulæ oriuntur aspectu.

Prima est de Ministro Baptismi, qui ex vestibus Laicum fuisse apparet.

Secunda est Baptismatis forma, quæ per asperisionem, & immersionem repræsentatur.

Quoad primam, quòd minister Laicus sit, clarissimè ex indumentis concernitur, nam clamide, sive pallio, &

thorace, nec non colobio, ac cuturnice, seu tibialibus vestitus est; insuper ralam habet barbam. Quare hæc omnia hominem latinum esse designant. Quod Laici in necessitate baptizare licite valeant: omnes conveniunt Canonistæ. Pro præsentī verò exprimendo baptismatis ritu audiamus celeberrimum Scriptorem Tertullianum, differentem qui cap. 17. de baptismo sic loquitur: *super est ad concludendam materiā de observatione quoque dandi, & accipiendi baptismum commonefacere. Dandi quidem habet jus summus Sacerdos, qui est Episcopus, de hinc presbyteri, & Diaconi, non tamen sine Episcopi auctoritate propter Ecclesie honorem, quo salvo, salva pax est, Alioquin etiam Laicis jus est, quod enim ex aquo accipitur ex aquo dari potest, nisi Episcopi jam aut Presbyteri, aut Diaconi vocantur dicentes. Domini sermo non debet abscondi ab ullo. Proinde, & baptismus, aque DEI census ab omnibus exerceri potest: sed quanto magis Laicis disciplina verecundie, & modestie incumbit & cum ea majoribus competat, ne sibi adsumant dicatum Episcopis officium Episcopatus Aemulatio, schismatum mater est. Omnia licere dixit Sanctissimus Apostolus, sed non omnia expedire. Sufficiat scilicet in necessitatibus utaris, sic ubi aut loci, aut temporis, aut personæ conditio compellit. Tunc enim constantia periclitantis. Quoniam reus erit perditionis hominis, si superfederit prestare, quod libere potuit. Igitur supra relata verba: aut personæ conditio compellit, quæ in casu nostro applicari posse videntur, & summopere.*

Hæc prima fronte, mea fuit sententia, quæ cum nonnullis doctis, ac eruditis fuerit à me communicata viris, eos contrarios adinvenit, eo quia sustinebant, Baptismum absque culpa per Laicum ministrari non posse, quando in promptu est Sacerdos: sed in allato Sarcophago representantur Monachi senes, qui verosimiliter Sacerdotes erant, & fortè iidem, qui Agilulfum cathedra-

chizarunt, propterea ad eos absque ullo dubio spectabat Baptismum ministrare. Obiectio hæc licet validissima sit, nihilominus suas habet responsiones, si in allatis Tertuliani verbis insistere velimus, qui necessitatem exprimens, ad tria capita reducit, nempe ad locum, ad tempus, & ad personæ conditionem, quæ tria in præsentem nostrum Emblemata concurrere existimo: ad locum, qui erat tunc possessus à Longobardis Ethnicis, sive Arianis: ad tempus, quia iidem dominabantur; ad personæ conditionem, quia de illorum Rege, & Regina agebatur. Propterea ab illius tunc temporis Episcopo magni momenti existimata fuit Zelotypia, quæ forsitan ipsum Regem à Baptismo retrahere poterat, ob deficientiam personæ sibi benevolæ, quæ baptismum ei conferret. Quamobrem magis ad Religionem propagandam conducebat hanc concedere facultatem Laico, quam illam denegare. Reges enim non eadem mensurâ, qua ceteri inferiores metiendi sunt, cum ex illorum voluntate Subditi dependeant; quare si ad novam Rex convertebatur fidem, Subditorum etiam conversio sperari prudenter poterat, ut cecinit Vates:

Mobile mutatur proprio cum Principe vulgus.

Et alius pariter cecinit:

O' quanto exemplo generoso in Principe vis est!

Tu vitando vetas, tu faciendo jubes.

Princeps, principium motus, Rex regula vite;

Circumsert, Cælum sydera; Rex Populum.

Plura alia pro meâ firmandâ sententiâ, quòd Laico, in proposito casu, licuerit esse Ministrum Baptismi, adducere valerem, nisi nimix timor prolixitatis me retardaret. Sufficiat hic pro ejusdem sententiæ majori firmitate, inter nostri ævi Theologos, inclytum Suarez adducere, qui in tertiam partem D. Thomæ: Tom. 3. q. 67. plura de Baptismo fatur, & præsertim: *in Baptismo non semper necesse*

*neceſſe eſt extremam neceſſitatem expectare, nàm etiam
 extra illum, propter magnam utilitatem, aut ne cogatur,
 quis multo tempore baptiſmum, differre poteſt illum à Lai-
 co, vel alio ſimili Miniſtro recipere. Et ideo fuit conveniens
 hanc poteſtatem concedi abſolutè, & non limitatè ad caſum
 neceſſitatis extrema. Non officit addere, quòd Monachi,
 præſentes eidem Baptiſmo cernantur, Nàm ibi forſitan
 ab Artifice expreſſi fuere, non uti Baptiſmi teſtes, ſed
 ut ejuſdem Baptiſmi Auſtores. Nolo hic ſub ſilentio
 prætereire, quòd Monachi primis Eccleſiæ ſeculis ad ſa-
 cerdotale munus minimè aſcendebant, ut fuſè, ac eru-
 ditè demonſtrat Sacrorum Canonum illuſtrator moder-
 nus Gonzalez ad tit. de Elect. & Elect. poteſt. c. 1. ad
 quem benignum mitto Lectorem. Inſuper Monachi præ-
 byteri radebant barbam, Converſi laici eam prolixam
 deferrebant, ut docet Dufreſne in Alcibiade pag. 283.
 & Marthene, de antiquis Monachorum ritibus lib. 5. c. 7.
 n. 35. in fine. His obiectionibus, & reſponſionibus ex-
 poſitis, altera inſurrexit difficultas, nempe Zelotypiam
 cauſam motivam in hoc baptiſmo eſſe minimè potuiſſe,
 ut à Laico conferretur baptiſma, cum in altero Sarco-
 phago Vir ſimili modo veſtitus cernatur, qui ſuper ca-
 put Viti barbati, ſacram effundit undam; quamobrem
 Zelotypia in hoc non cadit, ideo non poteſt mea milita-
 re opinio. Hæc nova difficultas, me ad alia conjeſtanda
 impulit. Primo igitur loco mea in mente revolui, quòd
 primis Eccleſiæ ſeculis Chriſtiana Religio, veluti ſlos
 agri è ſolo erumpebat: Poſtea Romani Pontifices, Con-
 cilia, aliique Eccleſiæ Patres decretis, ſacriſque Cano-
 nibus à vepribus, aliisque inutilibus plantis eam repur-
 garunt: ſicque Clerici, & Presbyteri. peculiare non
 habebant veſtes, poſteà à Canonibus præſcriptas, ſed
 eas geſtabant, quas conſuetudo Clericalis introduxerat:
 nonnulli vero conditionis ſuæ immemores, laicalia ge-
 rebant*

rebant vestimenta: Clarè id deducitur ex Canone 3. Conc. 1. Romani habiti sub Zacharia summo Pontifice anno 743. qui sic se habet: *ut Episcopus, Presbyter, & Diaconus secularibus indumentis minimè utantur, nisi, ut condecet tunica sacerdotali. Sed nec dùm ambulaverit in Civitate, aut in via, aut in plateis sine operimento presumat ambulare, prater si in itinere longo ambulaverit.* Si igitur mos iste inter Episcopos, Presbyteros, ac Diaconos, vestes seculares gestandi, anno 743. vigeat, quanto magis anno 600. quo tempore floruit Agilulfus, cum leges, quæ eduntur, abusus jam ut plurimum à longo tempore introductos, corrigant. Ulterius addo; vestes illæ, licet laicales, appareant, nihilominus Episcopales sunt, si integram fidem præbere velimus Paleæ, quæ habetur dist. 96. cap. Constantinus *il secondo*: ubi idem Imperator concedit Sylvestro summo Pontifici, ejusque successoribus inter alia corporis ornamenta, Chlamydem purpuream, atque tunicam coccineam, & omnia imperialia indumenta, quæ appropriantur ipsi figuræ in Sarcophago expressæ. Quæ opinio si admitteretur, utique controversiam Paleæ confirmaret, sed cum in præsentiarum Alienatorum fratrum numerus abundet, hanc quoq; omitto conjecturas, & ad certiore me converto.

Apud antiquos mos fuit, qui adhuc viget, & servatur, quando Apostolici Viri, ad prædicandum Evangelium mittuntur in Regiones, à quibus Christiana, & Catholica exulat Religio, viri illi mentitis vestibus in illas se conferunt partes. Assertionem hanc celeberrimus Purpuratus Batonius ad annum 370. num. 8. exemplo, ex Theodoreto desumpto, firmat, scribens, Eusebium Episcopum Samosatenum, cum multas Ecclesias Pastoribus orbatas intellexisset, habitu militari, ob Arianorum metum, indutum, & capite thiara operto, Syriam, Phoeniciam, ac Palestinam peragrassè, ac Presbyteros,

teros , & Diaconos creasse . Hæc praxis hujusmodi gestandi vestes à similibus viris omnibus notissima est ; nostroque ævo clar. mem. Christiana suecorum , Vandalorumque Regina catholicam amplectari volens religionem , secretò duos ad se vocavit omnigenæ scientiæ præstantes viros , nempe P. Malines , & P. Casati Soc. Jes. qui tanquam nobiles Itali curiositatis gratiâ , exterarum peragrandi Regionum , laicali habitu Stocolumm , Regiam Urbem , se conferrent , ut fusè narrat Comes Galeatius Gualdus in ipsius Reginæ vita . Ex narratis igitur , motæ difficultati , de Baptismi Ministro , me satisfecisse duco , & ad secundam , superiùs etiam motam difficultatem de Baptismi forma me converto .

Ex S. Cypriano in epist. 59. ad Fidum Episcopum habemus , quòd ævo suo Minister baptismi post sacrum Lavacrum Baptizatos deosculabatur , sic enim iste Christi Athleta loquitur . *Nàm DEUS ut personam non accipit , sic nec ætatem , cum se omnibus ad Cælestis gratiæ consecutionem aequalitate librata prabeat Patrem . Nàm , & quod vestigium infantis imprimis partus sui diebus constituti , mundum non esse dixisti , quod unusquisque nostrum adhuc horreat , exosculari , nec hoc putamus ad cælestem gratiam dandam impedimento esse oportere , scriptum est enim : omnia munda sunt mundis . Nec aliquis nostrum id debet horrere , quod Deus dignatus est facere . Nam etsi adhuc infans à partu novus est , non ita est tamen , ut quisque illum in gratia danda atque in pace facienda horrere debeat osculari ; quando in osculo infantis unusquisque nostrum pro sua religione ipsas adhuc recentes Dei manus debeat cogitare , quas in homine modo formato , & recens nato , quodammodo exosculamur , quando id quod DEUS fecit amplectimur .* Hanc eandem Cypriani auctoritatem Magnus ille Hypponenesis Episcopus Augustinus ferè eisdem allegat verbis in lib. 4. ad Bonifacium cap. 8. contra

tra duas Epistolas Pelagianorum, nonnullique alii recentiores, amborum Patrum referunt dicta inter quos Josephi Vice-Comes in suo tractatu de antiquis Baptismi ritibus, ac caeremoniis lib. 5. cap. 1. ubi in fine colligit, hunc osculandi morem diu in Baptismi Sacramento durasse, donec veteri simplicitate in fraudem, & malitiam verti coepta, eum Prudenti consilio Patres ab Ecclesia, sustulerunt.

Pro majori hujus sententiae robore, auctoritatem Gabriellis Albaspinei, Aurelianensis Episcopi, addere volo, qui in suo tractatu de Eucharistia lib. 2. c. 15. S. Ambrosii locum in Psalm. 39. adducit; ubi sic: *Osculum, quod sacra pacis insigne est, osculum, quo amicitia fida firmatur, osculum, quo fides sancta, signatur*. Laudatus notat Albaspineus, locum hunc ad baptismatis osculum alludere, ac fidem exprimere, quae in Baptismate recipitur, ac osculo signata, & obsignata erat, idque antiquis Patribus, eorumque Doctrinae conforme esse asserit: Quoniam sicut Tertullianus ducit, osculum pacis in missa, orationis signaculum erat, ita S. Ambrosius pronunciat, quod erat signaculum fidei; quamobrem apparet pacis osculum, tam in baptismate, quam in Missa fuisse datum. Hancque eandem disciplinam, ordine Romano comprobati scimus in Tractatu caeremoniarum Baptismatis, ubi refertur Episcopum, postquam Baptizatis candidas dederit Vestes, eisdem dicere: *pax tecum*, quare istae voces sunt, quae in osculo pacis pronunciantur, & licet ordo nullam de hac actione mentionem faciat, nihilominus refert verba, quae semper ipsam sociantur actionem, demonstratque Baptizatos deosculari. Haec Laudatus Albaspineus. Idem sacrae historiae peritissimus Lupus praedictum etiam S. Cypriani locum Tom. 3. in dissertatione, de S. Leonis IX. actis Crimine octavo pag. 914. adducit. Quare ex allegati S. Cypriani auctoritate, ac citatorum

Scriptorum sententiis infero, ritum hunc, deosculandi Baptizatos, etiam in sexti sæculi fine viguisse, Quare ad rem nostram: Theodelinda tùm propter verecundiam, tum etiam ne fortasse novo conjugii, ex osculo, aliquam oriretur Zelotypiæ passio, noluit ab aliquo Presbytero baptizari, sed impetrata ab Episcopo licentia, munus hoc alicui confidenti, & forsan consanguineo demandari voluit, & sic supra citata clarescit pro me Tertulliani auctoritas, scilicet, *aut persona conditio compellit*. Concurrebat etiam cum osculo alia verecundiæ in mulieribus præcipuè considerabilis causa, nempe corporis denudatio, nam baptizandi sive masculi, sive foeminae, sacrum lavacrum sine indumentis intrabant, ut diversi probant Scriptores, præsertim citatus Vice-comes lib. 4. cap. 10. Casalius de Vet. sac. Christ. Ritibus cap. 5. Lupus in disertat. de S. Leonis IX. actis Calumnia XII. At ex ipsa figura id apparet, ubi illa foemina spoliata visitur, præterquam partibus verendis velo obductis. Hæc de Ministro satis sint. Ad secundam difficultatem, nempe de Baptismi ritu progrediamur.

Certum, ac indubitatum est Priscos fideles, ubi se offerebat occasio, ibi baptizatos fuisse, nam alii in fluminibus alii in fontibus, alii in stagnis, alii in viis, alii in mari, alii in domibus sacrum suscipere Baptisma, ut fusè ostendunt præcitati Auctores; formam autem, quæ in baptizando observatur, promiscuam fuisse, credendum est, nam si erant in loco, ubi baptizandi in aquam se immergere poterant, baptismus per immersionem conferebatur, si autem alio in loco, ubi flumina, fontes, ac similia minimè reperirentur, aqua super caput effundebatur. Ostendit Laudatus Vice-comes in eodem suo tractatu dicto lib. 4. cap. 7. ut etiam lib. 7. cap. 2. quod quando fiebat Baptismus per immersionem baptizandus à summo vertice ad imos pedes in aquam mergi solebat. Id

etiam

etiam confirmat citatus Lupus in dicta sua dissertatione De Sancti Leonis IX. Actis Calumnia 12. Quare supra laudata Theodelinda cum Agilulfo Viro suo, cum ob pudorem foemeni sexus, tum etiam ob utriusque sublimitatem generis, noluerint publicum adire baptisterium, & propterea eorum baptismus in pelvi, sive capaci vase peractum fuit, haud tantæ quidem profunditatis, ut etiam caput in aquam immergere possent; idè defectum hunc, æquæ aspersio super caput supplevit, cum; & ista sola sufficiens esset, ut latè demonstrant citati, aliiq; auctores de Baptismo tractantes, inter quos jurè annumerandus est Angelicus ille Doctor, præclarumque Ecclesiæ lumen, S. Thomas Aquinas in 3. parte summæ quæst. 66. art. 8. Licet nonnulli ex eisdem Auctoribus asserant, Baptismum per Immersionem fieri à planta pedum usque ad summum verticem capitis; nihilominus alii excitant dubium: An in trina mersione celebretur Baptisma; nam hæc Immersio, & Emergio ter repeteretur; propterea dubitant, an Baptizandus ab aqua totus profiliret, vel tantum corporis parte emergeret; cui ancipiti quæsitio respondeo: quòd Sacerdos baptizans, manum super baptizandi caput imponebat, ac illud levitèr comprimens, indicabat baptizando, quòd sub aqua se totum demergeret. Hoc peracto statim baptizandus pectore tenus ab aqua surgebat, iterumque Sacerdos comprimebat caput, tertidque id reperebat. Ad hunc demonstrandum actum Picturæ adduco exemplar, quæ adhuc in vetustissimæ Cappella in Ecclesia S. Pudentianæ Urbis, retrò Musivum opus, quod eadem in Ecclesia spectatur. Picturæ hæc in Altaris dextera ipsius Cappellæ, nempe à cornu Evangelii super fenestram, propè fornicem, delineata est, redoletque antiquissimum tempus, cum picturæ non sint ità malè formatae, ut circa, & post millesimum efformatæ apparent, docetque Philippus Baldinucci in suo

Opere: *Notizie del Disegno &c.* Ejusdem Picturæ exemplar demonstro in annexa Tabula, figura prima, ad cuius ritus baptizandi majorem elucidationem adduco. Albinus, sive Albinus flacci, seu Alcuini auctoritatem. Ipse enim, qui vixit octavo seculo, in epistola ad Odvinum presbyterum ita scribit: *In nomine Sanctissimæ Trinitatis trina submersione baptizatur, & rectè homo, qui ad imaginem Sanctæ Trinitatis conditus est, per invocationem Sanctæ Trinitatis ad eandem renovatur imaginem, & quia tertio gradu peccati, idest consensu cecidit in mortem, tertio elevatus de fonte per gratiam resurgat ad vitam.* In hac assertione duo perpendenda sunt, nempe vox *submersionis*, quo totalem corporis in aquam immersionem denotat, itemque voces: *tertio elevatus de fonte*, quæ trinam immersionem, & tertiam emersionem designant, ut supra indicavimus. Hac occasione, alteram placet exhibere Picturam, quæ multum à prima delineatione differt, cum deteriori modo delineata appareat, idèoque tempore posterior. Hæc cernitur in Ecclesia S. Laurentii extra muros Urbis, sinistrorsum, post Januæ ingressum, cum aliis ibi malè efformatis figuris, S. Laurentii vitam demonstrantibus. In secundo harum figurarum ordine, ac tertio loco est figura, quam exhibeo in relata Tabula sub n. 2. Abi cernitur S. Laurentius Beatum Romanum baptizans, ut ipsa Epigraphes explicat; sed quod curiosum spectatorem reddit, est, tam S. Laurentium, quàm B. Romanum, urceolos cum duabus ansis manibus utrumque gerere. Si Laurentius urceolum elevatum in actu fundendi aquam tenet; B. verò Romanus alterum aqua plenum ipsi Laurentio, dextera manu, porrecturus erigit, scilicet quando primus urceolus aqua fuerit evacuatus. Ex hisce duobus urceolis trinam arguo asperisionem, nam statim atque Baptizans in prima asperisione totam aquam in urceolo contentam super Baptizandum effuderat, illicò Baptizandus

zandus alterum urceolum aqua plenum Sacerdoti offerbat, ut secundam faceret asperſionem; ſicque de tertiâ; quâobrem ex huiusmodi actibus, etiam tacitum baptizandi conſenſum non ſine fundamento inferimes, dùm propriis manibus materiem pro Sacramento conficiendo ſubminiſtrabat. Hunc B. Romani Baptiſmum à S. Laurentio peractum Walafridus Strabo, qui nono vixit ſeculo, in ſuo de rebus Eccleſiaſticis libro ſic narrat: *Notandum non ſolum mergendo, verum etiam deſuper fundendo, multos baptizatos fuiſſe, & adhuc poſſe ita baptizari, ſi neceſſitas ſit, ſicuti in paſſione B. Laurentii quendam urceo allato legimus baptizatum. Hoc etiam ſolet evenire cum, provecſtorum granditas corporum in minoribus vaſis hominem tingi non patitur. Quæ poſteriora verba in allatis ſarcophagis optimè applicantur, cum utriuſque Baptiſmatis ritus, ſcilicèt per immerſionem, & aſperſionem ibidem obſervatur. His relatis non officit, quòd opponi poſſit: Baptizatos ſtatim poſt Baptiſmum, antiquitùs fuiſſe confirmatos, ergo perneceſſe erat, quòd Miniſter eſſet Epiſcopus; At huic obiectioni reſpondeo cum præcitato Vice-comite eodem lib. 4. cap. 29. quòd ſi Epiſcopus abſens erat, baptizatus ſuſcepto baptiſmate, quanto citiùs fieri poterat, ab Epiſcopo confirmabatur. Et hæc de Baptiſmatis ritu.*

Ultrâ ſuperiùs expreſſas non nullis aliis animadverſionibus ſupra relata tabula digna eſt, nam propè Baptiſmatis Miniſtrum, duo ſunt viri Monachali habitu circumamicti, quos tanquam teſtes Baptiſmo præſentes fuiſſe autumo, ipſiuſque Baptiſmi, uti Auctores, qui Theodelindam ad Chriſtianam amplectendam Religionem induxerunt, eandemque ejuſque Virum in fide catechizarunt; inſuper exiſtimo fuiſſe, Monachos Montis Caſini, & fortaſſe unum ex illis, ſuprarelatum Probum Abbatem Monafterii S. Andreæ eſſe, & ob ſupradictam cauſam hîc à Sculpro.

Sculptore expressos fuisse, A Baptizatorum terge sex-
cernuntur figure. Quarum primam ex vestibulis formidantem
secundam masculum, & eorundem Baptizandorum Su-
sceptores, sive Patrilinos esse, iudico: Tertia, & quarta
duæ sunt aliæ famina ipsius Theodelindæ familiares. Il-
lam tertiam, utpotè etiam primam ex vestium diversita-
te Latini esse ritus, puto, & fortasse ipsam tertiam fuisse
Monialem Sancti Benedicti, septimam, & octavam duos
alios Monachos ejusdem Ordinis S. Benedicti ac Priorum
Monachorum Socios esse, autumo. Hæc de prima suf-
ficient. Secundam tabulam nunc explicemus.

Virum illum, qui hac in secunda tabula genussexus
est, ac super ejus caput ab alio Viro infunditur aqua: Ar-
richium Beneventanorum Ducem I. esse existimo, con-
jecturam hanc ex chronologicis Episcoporum, & Archie-
piscoporum Beneventanorum memoriis desumo. Has
nuper publici Juris fecit laudatus Episcopus Pompejus
Sarnellus, ubi sub n. 29. de Felice II. Episcopo Bene-
ventano hanc narrat historiam: *Anno 571. Autharis
Longobardorum Rex, usurpata Græcorum dominatione,
integram Samnii occupavit Provinciam. Cumque in
Ducatus formam omnes alias reduxisset Provincias, ab
Urbe Roma usque ad mare Siculum, illius caput Bene-
ventum esse decrevit, eisque in primum Ducem præfecit
Zotonem, sub cujus dominatu inclutam Cassinense Mo-
nasterium anno 589. à Longobardis eversum fuit. De-
cessit Zoto anno 591. postquam regnaverat annis 20. ei-
que successit Arrichis, sive Aroges Dux 2. qui per annum
consors in Ducatu cum Zotone fuit. Quando is solus re-
gnare cœpit; Magnus ille Gregorius Pontifex eundem
hortatus fuit, ut Monasterium Cassinense repararet, cui
libentè obtemperare voluit.*

Evasit hic pietate Vir insignis, cum celebrem Ec-
clesiam S. Sophiæ propè Beneventum à fundamentis con-
struxe-

struxerit, ut ex Chronica Beneventani Monasterii apud Ughellum Ital. Sac. Tom. 7. Ad laudatum Arrichium idem Magnus Gregorius Corpus S. Modesti Levitæ, & Martyris dono misit. Cum igitur Arrichis pretiosum, sacrumque hoc donum à Pontifice accepisset absque ullo arguendum est dubio, Arrichium tunc Christianum fuisse; cumque supra narratum sit, Agilulfum Longobardorum Regem sacrum suscepisse baptismum, vero simile est Arrichium Regis exemplo ad Christianam amplexandam Religionem se convertisse, idque accidisse iudico dicto anno 591. (scilicet eodem anno, quo baptizatus fuit Agilulfus Rex, cum anno sequenti adeundem Arrichium scripssent idem Gregorius, ut ex Epistola 25. lib. 10. Indict. 5. Quare huiusmodi insignis actio, cum alia supra relatâ Regis, in Sarcophagis insculpta fuere, ut utriusque perrennaret memoria. Et ne ulla in hac tabula Lectori ansa dubitandi relinquatur, superest exponere, quid manus illa è nubibus erumpens denotet. Quæ procul dubio omnipotentis Dei dexteram designat, qui suâ ineffabili potentia mortalium corda flectit. Quid autem denotet volumen illud, quod à Sculptore, sive Pictore malè expressum fuit, facilis est responsio, nempe per illud volumen fidei Simbolum indicatur, quoniam antiquitus tam Christus, quàm Apostoli cum similibus voluminibus manutinentes appingi consuevissent, de quibus diximus cap. 27. nostri operis vet. monim. par. 1. Insuper, quando hæ meæ admittantur conjecturæ, ex allatis Iconibus deduci valet, qualis erat Longobardorum vestium forma.

Hæc breviter de baptizandorum figuris in ambobus Sarcophagis expressis dicta sint satis.

[The page contains faint, illegible handwriting, likely bleed-through from the reverse side.]





Ditta SALVAREZZA s.r.l.
RESTAURO
Via A. Cervi 5 - Roma

